



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Henrici Salmuth, Jcti, Responsum Juris Pro Matrimonio
Principis cum Virgine Nobili**

Salmuth, Heinrich

Jenae ; Hamburgi, 1660

Illustriß. & Generosiß. Dn. Comes.

urn:nbn:de:hbz:466:1-10525

Illustriss. & Generosiss. Dn. Comes,

RESPONSUM JURIS præsens, ad Magni
cujusdã Principis requisitionem quondam à me
elaboratum, cum post beatissimam Celsitudinis
Ejusad Cœlites emigrationem, amicorum meo-
rum nonnulli animadverterent, à plurimis illud expeti, tum
coràm tum per litteras me sedulo hortari capere, ut illud in-
tersparsis subindè monitis quæstionibusq; politicis, nec non
& histori arũ flosculis exornatũ, per Typotheten Juris publici
fieri per mittere. Quorum cum desiderio tandem, submoto
pudore rustico, annuerem, & spretis obrectatoribus, quo-
rum tot fortè erunt, quot flocci decidunt

*Quando ruit densum tacitarum vellus aquarum; insuperq;
habitis Petris, qui me amicum veterem abnegarunt, cum quo
paulò antè rebus florentibus morituri videbantur, Lucubracion-
culis hisce meis, more jam recepto, Mecænatem quendam,
cujus autoritate, præsidio ac favore à maleferiatorum mor-
sibus insultuq; vindicarentur, datã operã quærerem, ad cu-
jus Aram RESPONSUM hoc MEUM commodè suspende-
rem; præter Illustr. Tuam Generos. occurrit nemo alius, ob
maximas, videlicet animidotes, singularemque quã præ cæ-
teris pollet, Militarem Civilemque prudentiam: exemplo
*antiquorum Ducum, quorum dextra, attestante Sidonio Apol-
linare, non minus solita stylum tractare, quàm gladium. Rectè
ut Justinianus Imp. Novell. XXIV. XXV. & XXVI. passim, in
Præside Provincia disciplinam cum politicam tum militarem re-
quirat, & Reip. tunc quidem tranquillum fore Statum autumet,
si LEGES simul & ARMA in unum coëant.**

Serenã itaque fronte, Illustrissime Domine Comes, RE-
SPONSUM hoc verè NOMICOPOLITICUM, antihac
nondum impressum, Perpetuum in Te *Devotionis & obser-
vantia*

vantia mea Obsidem, ad exemplum summi illius ac Supremi Principis, *qui in sublimi residet, humilia tamen respicit*, clementer suscipe, illudque contra invidorum morsus & latratus, magno Tuo patrocinio tuere, defende, ac *partum cum parente* dignum favore Tuo judica.

Scribentem juvat ipse favor, minuitq; laborem.

Munus quidem per se levidense & exiguum, at magnum, si observantiam spectes & cultum. *Observantiam* debere me agnosco amplissimæ illi, in quâ à Celsis. & Potentis. Suecorum Rege, Domino nostro Clementissimo, collocatus es Dignitate: *Cultum*, maximis nunc *Tuis, ac Tuorum*, quondam *Patris* videl. *Patris & magni Patris*, (quorum honore totum Musarum chorum impensè recreari libera voce profari non vereor) in superiori Electorali Palatinatu, qui nunc *ehu!* à dispari Domino regitur, in me meritis. Quæ certè, ut ut teste Seneca *lib. 1. de Benefic. c. 2.* Beneficia nemo in Calendario scribat, debitâ animi submissione animo meo infixæ erunt, donec

Lumine adempto animam moribundo corpore fundam.

Temporis Pater, *æternum illud Numen*, Illustris. Tuam Generosit. conservet, sospitet ac fortunet, ut in sui nominis gloriam, Illustri & Glorioso huic Regimini diutissimè præesse, prodesse; membra horum Ducatum languentia, refocillare, & tanquam alter *Musagetes*, contra machinationes & incursum hostium, validâ manu propugnare, protegere & conservare valeat. Raptim è Musæo meo d. 21. Maji. Anno post reparatam Salutem *MDCLIX.* Natali meo *LXVII.*

Illustris. Generos. Tue

subjectus & devotus

HENRICUS SALMUTH, J. U. L.

Reg. Succ. Maj. in Ducatu Bremens. & Verdens. nuper Consiliarius & Auditor General. Cancellarius Lippiacus.

RESPON-